

خطارات
آدرس نڀايلندہ آريجه بش
ڪونڊرلڊيدر .

مڪتوبلرڪ امضالري واضح
داوقوناڦلي اولسي و آيونه صره
نوسروسي عتوي بولسي لازمدر .

ممالك اجيهه ايجون آيونه
اولانرك آدرسلرنيڪ قرانسز .
جهدہ يارلسي رجا اولنور .

يارہ ڪونڊرلڊيني زمان نهہ
داثراولديفنيڪ واضعايلديرلسي
رجا اولنور .

الشيخ الشافعي

س ۱ ۳ ۳ ۰ ۱ ۶

ديني ، فلسفي ، علمي ، ادبي مفتحلق مجموعه اسلاميه در

آيونه شرائطي
داخلي ، خارجي هرير ايجون
سنه لبي (۲۵۰) ، آتي آياي
(۱۳۰) فروشدر .
[نسخهي ۵ غروش ،
سنه لبي ۵۲ نسخهدر .]
اداره خانه
باب عالي جاده سنده دائره مخصوصه
خطارات
آيونه بدلي پشندر
مسلكه . وافي آثار مع المنوبه
قبول اولنور . درج ابداني
يازيل احاده اولونماز .

اتبعوز اهدكم سبيل الرشاد

صاحب ومدير مسئول
اشرف اديب

باش محرد
محمد ماکف

والله يهدي من يشاء الى صراط مستقيم

جلد ۱۶

۱۸ تموز ۳۳۴

نخشبہ

۹ شوال

عدد : ۳۶۲

خط هايون

بياننامه حضرت خلافتپناهي

وزير معالي سيمير محمد طلعت باشا

اردو ودونماي هايونمه

« برادر مكرم سلطان محمدخان خامس حضرتلرينك ارتحال »
« دارنعم ايللرينه مبنی جناب واهب المللك راده ازيله سيله قانون »
« اساسيمز احكامنه توفيقاً اجداد عظامز تختنه جلوسمز وقوع »
« بولدي . سرك دركار اولان رويتركزه ودولتجه سبق ايدن »
« خدمات صداقتكارانه كزه بناء مسند صدارت عهدہ كزه ومقام »
« مشيخت اسلاميه دخي موسي كاظم افندي عهدہ سنہ ابقاء وتجديدآ »
« توحيه ايديلهرك تشكيل اولنان هيئت جديده وكلا تصديق هايونمه »
« اقتزان ايله مش وسائر بالجله مأمورين وحكامده يرلرنده ابقا »
« وتقرير قلمشدر . »

« خاقان مغفورك سلامت دولت وملتك يكانه استنادكاهي »
« بولنان اصول مشروطيتك تأسيس واستقرارى ايجون مصروف »
« اولان وجهلنك خاطره شكران ومنتمده منقوش بولنان همتلريني »
« بوراده يادرتنكارايلر واخص آمل وافكاريمز احكام شرعيه مزك »
« وقانون اساسيمزك تماماً اجراى تطبق بولونديغني بيان ايدرم . »
« تأمين بقا وموجوديت مقصديله اشتراك ايتش اولديغمز حرب »
« عمومي ني موفقيتله انتاج ايدم بيلمك اوزره بالجله قواي ملتك »
« توحيدى اقدام وظائف اولديغندن بوغايه وصول ايجون توزيع »
« عدالت وتقرير امن والنضباط خصوصنده تزديد مساعي وغيرت »
« ايدملكله برابر آداب حقيقه اسلاميه ووقار وحديث عثمانيه نك »
« محافظه سنه اهتمام قلمسي واحوال حاضرہ نتيجه سي اوله رق »

« اميرالمؤمنين اولوخاقان وباش قوماندانمز قارد شمس سلطان »
« محمد خان خامس حضرتلرينك هيمزى آغلانان ضيايله امر »
« قوماندان كزي اله آليورم . سنه لردن برى بيك مشكلات ايجنده »
« عثمانلي واسلام تاريخنه خاندانم ايجون شانلي صحيفه علاوه »
« ايدن سز آرسلانلر يوردينك قهرمان ياورولر سنه عنونيت شاهانه مي »
« بيان ايدر وبواوغورده حقك رحمتنه قاووشه رق ارميدانلرنده »
« جان ويرمش اولان شهادتي كمال حرمله آكارم . دين ووطنمزك »
« سلامتي ايجون شيمدي يهك بك قانلي برصورنده قهرمان »
« متفقرلر يمله اوموز اوموزه دوام ايتدريدكمز موفقيتله دولو »
« حرب سنه لري هر حالده آزالقده دره فقط هنوز بيتمه مشدر . »
« ايشته بوكونه قدر اولديغني كبي جناب حقك حقلي دعوا مزده »
« دائما بزملة برابر اولاجقنده ذره جه شبهه ايتمه رك عيني صولت »
« حيدرانه ايله دشمنله صاواشده دوام ايديكز . هر يرده كمال »
« شهامتله طاشيدنيكز سنجاغم سزه دائما ظفر وموفقيت بولي »
« كوسترسين . عنايت باري وامداد روحانيت بيغمبري سز قهرمان »
« عسكركلر يملك معين وظهيري اولسون . »

محمد وحيد الدين

« حصوله کلان غلای اسعار سببیه اهلینک دوچار اولدینی احتیاج »
 « و ضرورتک ازاله سی ایچون ندایر سریعه ومؤثره اتخاذا و مجرمین »
 « سیاسیه دن محیوس ویا موقتاً منفی بولونانلردن اصلاح حال »
 « ایده نرله جرائم عادیه اصحابندن ثلثان مدت جزایه لرینی اکیل »
 « ایلیانلرک عفو اولونمق اوزم دفترلرینک تنظیم و تقدیمی و مطلق »
 « حربیه نک غیری محللردن اداره عرفیه نک رفی ضمنتده مناطق »
 « مذکورہ نک هیئت و کلامرجه بالنعین برآن اول عرضی و بومحلالر »
 « دیوان حرب عرفیلرندہ رؤیت ایدلمکده اولان امور جزایه نک ده »
 « محاکمه سوقی واستحصالات مملکتک تکثیریلہ احوال »
 « اقتصادیه مزک اصلاحنه بالخاصه اعتنا ایدلمسی مطلوبمزددر »
 « دولتمزک سلامت و تزئید شان و قدرتی مملکتمزک الجآت »
 « و مقتضیات مدنیتہ کورہ حصول ترقیاتی ضمنتده عون حقہ »
 « و امداد روحانیت حضرت پیغمبری به مستنداً واقع اوله حق »
 « مساعیمزہ و کلامرله مجلس عمومی ملیمزک و بالجملة مأمورین »
 « حکومتمزک احوال حاضرہ نک اهمیت فوق العاده سی پیش نظر »
 « جمیت و عبرتہ آلہرق اونستده بذل معاونت ایدہ جکلرینہ وثوق »
 « و اعتماد برکالدر »

« سلف محترمک دول مرکزیہ و قومشومز بولغارستان ایله »
 « اتفاق و ادامه حسن مناسبت خصوصیتده کی سیاستی منافع حقیقیہ »
 « مملکتہ بالوجوه موافق اولغله دول مشارالیم ایله دولتمزک یشتندہ »
 « تیناً موجود روابط اتفاقیہ و مناسبات صمیمیه نک تشدید و توثیقنه »
 « صرف همت و مزید غیرت اولونمسی نخبہ مقاصدمزددر حرب »
 « حاضرک زمرة اتفاقیه مزک مظفریت کامله سیله رسیده حسن ختام »
 « اولسی الطاف صمدانیہ دن مأمول اولوب بونتیجه خیریه نک »
 « صورت بذیر حصول اوله بیلمسی ایچون قوای بریه و بحریه مزک »
 « عموم جبهه لرده کماکان ابراز و ابدال شہامت و شجاعت ایدہ جکلری »
 « و جبهه آرقه سندہ کی افراد ملتک دخی عزیم فدا کاریسندہ ثبات »
 « و دوام ایلیه جکی نرمزده شہدن بریدر »
 « هان جناب حق جمله مزی مظهر توفیقات بویورسون »
 « آمین بحرمه سید المرسلین »

۲۹ روضہ ۱۳۳۶ ، ۸ محرم ۱۳۳۵

محمد وحید لدن

تاریخی خط هایون

رمضان شریفک یکریمی دو قوزنجی بازار ابرتسی کونی مسند
 صدارتک دولتلو فحامتلو محمد طلعت پاشا حضرتلرینہ مقام
 مشیختک دولتلو ساحتلو موسی کاظم افندی حضرتلرینہ ابقاء

توجیه بیوردیغنه دأر اولان خط هایون مراسم مخصوصه ایله
 باب عالیده قرائت ایدلدی . خط هایونک قرائت ایدلمسیله برابر
 عمومک سیالرنده بر بشارت، المبلرنده برانشراح حس ایدیلورایدی .
 خاندان خلافت عثمانیه نک الدعوی آثار تمایزندن بری اولان
 کمال مرحمت و فرط شفقت و عاطفت حسلرینک تجلیاتنه معکس
 اولان خط هایون ملوکانه مضمون عالیسی حربک بار ثقیل مصائبی
 آلتندہ قامت مقاومتی اکیلوب بوکولمش، شدائد روزگارک تعاقب
 و توالیسیله حیاتندن بی زار اولاق درجه لرینہ ککش اولان امت
 نخبیه عثمانیه اوزرنده نه علوی ، نه حیات افزا بر تأثیر لطیف
 حصوله کتیرمشدر .

« السنة الخلق اقلام الحق » بر حقیقت مأثورہ اولدیغنه کورہ
 هیچ شبهه یوق که پادشاهمز خلیفه معظممز سلطان محمد و حیدالدین
 خان سادس افندمز حضرتلرینک عهد هایون ملوکانه لر یمن
 و مسعدت ، مهابت و سطوتله مملو بر عهد فیض و نجاح اوله حق ،
 ششمه مجد و اقبالی بتون عالم اسلامی سلطان سلیم اولک ، تفرقه
 عنصریه شائبه لرندن ، هوسسات جاهلیه تمایلاتندن پک اوزاق
 برحالده وحدت اسلامیہ غایبه مسعوده سی تجلی ایتدیرن عهد کزین
 شوکت قرینک یاد مفاخریله شادکام ایدہ جکلدر .

بو کزیده املک تحققة نصل بر مانع تصور اولنه بیلیرکه سطوت
 باهره سی اسلامی عصرلرجه اوج معالی شوکت و عظمتندہ
 یاشاتمش ، دشمنلرینک شعله اقبال و احتشامی سوندیرمک
 خصوصیتده کی آمال خاسره لرینی محکوم عقامت برافش اولان او
 دودمان جلیل الشانک سلاطین عظامی کی امرای فحامی ده
 بیلیر و تقدیر ایدیورلرایدی که سلطنت عثمانیه ایله خلافت اسلامیہ
 بنیان مهابت و سطوتلرینک ناقابل انفکاک ایکی رکن ، مهمی مغبوط
 ام و اقوام اولان دیهم ملک و حاکمیتلرینک ایکی در یتیمیدر .
 صکرملری بیلنمز نصل اولدی ده سیف صارم خلافتک تاب و رونقنی
 محافظه یه اعتنا قیدی اسکی اهمیتنی غائب ایتدی .

سنلر کچدکجه بواھال و لاقیدینک نتیجه سی اولهرق اوسیفک
 صفحه مجلاسی اوزرنده بریکن قات قات باصلر اونک شعله شان
 و شرفنی، علیل و کونه بین نظرلرک سچ بیللمه سنه مانع اولمشدی .
 جوق شکرکه خاقان معظممز عصرلرک میراث خطیاتی اولان
 کشف باص طبقه لری آلتندہ اوسیف صارمک مایه و جوهرنده کی
 صافیت و مکملتی چشم دورین عرفان و کرامتله کورہ رک اوزرنده کی
 کشف طبقه لری ازاله ایله سلطنت عثمانیه نک کشورلر فتح و تسخیر
 ایدن ، عظمت و حاکمیتنه فارشی کاشانه بویون اکدیرن ، بر نیجه
 حکمدار جهانک سریر اقبال و احتشامی سرنکور ایدن بو قدرت
 مهیمه سی اعاده ایتک خصوصیتده او سیف قیمتداری تأثیر
 مهمندن استفاده ایتک ایچون تکرار اله آلدی . ذاتاً طبیعیدرکه
 قلیچک صاحبی اونک قیمت و مزینتی هر کسندن اعلا بیلیر
 و تقدیر ایدر .